

UGOVOR O ZASTUPANJU I PRUŽANJU PRAVNE POMOĆI

UGOVORNE STRANE:

1. KJU Dom za djecu bez roditeljskog staranja, sa sjedištem u Sarajevu, ul. Bjelave 52, koju zastupa direktor Doma Saudin Đurđević (u daljem tekstu: **Naručilac**),
i
2. **DŽEMA HASANAGIĆ –MILAIMI**, advokat iz Sarajeva, ul Sarači br.77 (u daljem tekstu: **Izvršilac**)

PREDMET UGOVORA

Član 1.

Predmet ovog Ugovora je regulisanje međusobnih odnosa povodom pružanja pravne pomoći za potrebe **Naručioca** od strane **Izvršioca** u **periodu od 01.01.2020. - 31.12.2020. godine**. Ugovor se zaključuje na osnovu člana 28. Tarife o nagradama i naknadi troškova za rad advokata („Službeni list FBiH“, broj: 22/4 i 24/04).

OBAVEZE UGOVORNIH STRANA

Član 2.

Izvršilac se obavezuje da će prema Zakonu o advokaturi, savjesno, stručno, a prema zakonima i drugim propisima u BiH zastupati interese **Naručioca**, koji su u neposrednoj vezi sa pravnim poslovima i to:

- usmena pravna mišljenja i pravni savjeti
- pismena pravna mišljenja i pravni savjeti
- sastavljanje tužbi, žalbi, podnesaka, redovnih i vanrednih pravnih lijekova, obavijesti, poslovnih pisama, opomena, urgencija
- učestvovati u predlaganju najboljih normativnih rješenja kod **naručioca**, koji proizilaze iz zakona i drugih propisa
- zastupati **naručioca** u svim postupcima pred sudovima, nadležnim organima uprave i upravnim organizacijama, zastupanje pred registarskim odjelom nadležnog suda, zemljišno-knjižnim uredom, zastupanje u upravnim postupcima pred svim nadležnim organima i institucijama BiH.

Naručilac je saglasan da **Izvršilac** ima pravo naplate dosuđenih sudskih troškova u sporovima svake vrste, pred svim nadležnim sudovima, organima i institucijama BiH. Ugovorne strane su saglasne da u slučaju zastupanja **izvršioca** pred nadležnim sudom, organima uprave i drugim institucijama van sjedišta **izvršioca**, **izvršilac** ima pravo naplate troškova shodno važećoj advokatskoj tarifi.

Član 3.

Ugovorne strane su se saglasile da prijedlozi i mišljenja **Izvršioca** nisu obavezujući za **Naručioca**. Isključivo pravo angažovanja advokata pripada **Direktoru** **Naručioca**, ili uposleniku **Naručioca** kojeg ovlasti **Direktor**.

Za angažovanje advokata – **Izvršioca** **Naručilac** se obavezuje izdati urednu punomoć, kao punomoćnik za izvršavanje pravnih poslova.

Član 4.

Izvršilac posla nije ovlašten za potpisivanje bilo kakvih dokumenata kojima se stvaraju materijalne obaveze za **Naručioca**, izuzev onih koji se odnose na konkretne radnje u postupku koji se vodi u interesu **Naručioca** i za koje je on zakonom ovlašten.

Izvršilac posla nema pravo potpisivanja **Naručioca** i ovjere potpisa pečatom **Naručioca** osim u onim slučajevima u kojima je to na poseban način precizirao **Naručilac**.

Član 5.

Izvršilac posla je obavezan da čuva poslovnu tajnu Naručioca.

Član 6.

Ugovorne strane su se sporazumjele da će Naručilac na ime nagrade za rad Izvršioca posla, pod uslovima iz člana 2. ovog Ugovora, **istom isplaćivati mjesečno iznos od 500,00 KM (slovima: petstotina/00 KM) bez uračunatog PDV-a za usluge zastupanja u predmetima naručioca i za usluge usmenog i pismenog pravnog savjetovanja po ukazanim potrebama naručioca, u skladu sa ponudom Izvršioca od 31.12.2019. godine.**

Naručilac se obavezuje da će nagradu iz stava 1. ovog člana isplaćivati Izvršiocu posla na osnovu ovog Ugovora svakog prvog do petog u mjesecu, na njegov račun kod PROKREDIT BANKE Sarajevo, ili na odgovarajući račun.

Član 7.

Ugovorne strane su se sporazumjele da je obaveza Naručioca da plati porez po ovom Ugovoru na naprijed navedeni iznos ukoliko isti podliježe plaćanju shodno važećim zakonskim normama, kao i sve druge dažbine koje je shodno zakonu i drugim propisima dužan da izvršava.

Član 8.

Ugovorne strane su se sporazumjele da će Naručilac za sve poslove predviđene u čl. 2. Stav II- ovog Ugovora plaćati Izvršiocu po ispostavljenoj fakturi.

OSTALE ODREDBE

Član 9.

Ugovorne strane su saglasne, a imajući u vidu karakter usluge, da će sva eventualna nejasna i sporna pitanja isključivo sporazumno rješavati.

Ugovorne strane su saglasne da svaka od njih može u svako vrijeme otkazati ovaj Ugovor, ali ne i u vrijeme kome bi konkretno otkazivanje ugovora izazvalo posljedice za neku od ugovornih strana.

Član 10.

Pod istim ili promijenjenim, a međusobno usaglašenim uslovima iz ovog Ugovora, stranke ugovaraju mogućnost produženja Ugovora.

Ukoliko Izvršilac otkazuje Ugovor dužan je zastupati interese naručioca još 30 (trideset) dana dok Naručilac ne obezbijedi drugog izvršioca.

Član 11.


Ugovor je sačinjen u 2 (dva) istovjetna primjerka, od kojih po jedan primjerak dobija svaka ugovorna strana za svoje potrebe.

NARUČILAC

DIREKTOR

Broj: 2751/19

Sarajevo, 31.12.2019. godine



UGOVORNE STRANE

IZVRŠILAC

ADVOKAT

Džerna Hasanagić-Milaimi
Sarači 77, Sarajevo